

գութիւն, ընծանցար և ընծանցեր, փախար
 և փախուցեր: Աճեցար անաճդ, զաւրացար
 զաւրութիւնդ, շնորհ ընկալար շնորհքդ, վար-
 դապետեցար վարդապետդ, հնազանդեցար ան-
 հընազանդ(1), լըւացար սուրբդ, վկանցար ճշ-
 մարիտդ, լըցար լիդ՝ և ընկալար անկարաւտդ,
 պահեցեր պաքդ, փորձեցար անփորձդ, մտեր
 ի հարսանիսն անհարսնացելոյն՝ ծընունդ(1),
 բաժակացուցեր զինքնաբուխն, աւելիչդ որթոյ
 և որթդ ճշմարիտ: Դարձար՝ մտեր՝ ընթեր-
 ցեր՝ մեկնեցեր՝ ելար՝ երանեցեր, իջեր, սրբե-
 ցեր, հաներ, բացեր, յարուցեր, ընթերցար,
 վաստակեցար, ի վերա աւդո և ջրոյ գնացեր,
 ննջեցեր, ննջեցուցեր, կերակրեցեր՝ արբուցեր՝
 զամենայն ինչ արարեր զքոյդ և զմերս, ցու-
 ցանելով յերկուց մի գոյ բնութիւն: Ածար
 ի զենումն, արձակեցար ըստ մեզ՝ կապեալդ
 անլոյծ և կապեցար մշտական, մանաւանդ ե-
 թէ զմեզ կապեցեր զլուծեալքս ի մեղաց: Կո-
 չեցար հարսանիս, առաքեցեր զծառայսն՝ քո
 կոչել զհրաւիրեալսն, որք յետս կացեալք՝
 ժողովելով ի ցանկէ և յանցէ, և լցաւ առա-
 գաստդ կաթուղիկէ հաւաքեալք ի [թղ. 15 ր.]
 բոլոր ազանց: Դսկ այս ազգ կոչեալ երիցս և
 ոչ եկեալ, այլ դանալից արարեալ և սպանեալ
 զկոչողսն՝ հրաժարելով յանդս և ի հարկս և
 ի հարսանիսս՝ մընալով ի խաւարի յետ լու-